




Giredi
ya **2**



Buku Leyikulu ya swihungwana

XITSONGA



basic education

Department:
Basic Education
REPUBLIC OF SOUTH AFRICA

Buku ya

3


Matirhiselo ya Buku Leyikulu:



Switori leswi nga ebukwini leyi:



1 I vutomi bya mbyana



2 Rhandavula ya xikolo ya tshwa



3 N'wana lontshwa

1

16

20

Tanihi mudyondzisi, u ta fanela ku kunguhata no lulamisela ku endla nghingiriko wa ku hlaya swin'we na tlilasi ya wena. Ko tala loko ku endlwa nghingiriko wa ku hlaya swin'we, mudyondzisi u tirha na tlilasi hinkwayo, hambiswiritano, loko tlilasi ya wena yi ri yikulukumba swinene, swi nga va kahle ku tirha na ntlawa kumbe xiphemu xa tlilasi. Tiyisia leswaku vana va kota ku tshamiseka no vona Buku Leyikulu leswaku va ta kota ku hlaya xitshuriwa.

Hi nkarhi wo hlaya swin'we wa Buku Leyikulu n'wana u dyondza makhomelo ya buku, a khoma buku yi languta kahle ehenhla, a phendla buku kahle. Swi hluvukisa kahle minongoti ya masungulo ya buku – khavhara, emahlweni, endzhaku na vito ra buku. Swi tlhela swi kombeta ndlela leyi ku hlaya ku humelelaka hayona naswona i swa nkoka eku hluvukiseni ka vutshila bya n'wana byo yingisela, byo vulavula, byo hlaya, byo ehleketa na byo tsala tanihilaha swi lavekaka hakona eka XIPHOKHAMA:

- Ku hluvukisa vutshila byo yingisela na byo vulavula.
- Ku hluvukisa vutshila bya ku hlaya loku hluvukaka.
- Ku hlamula swivutiso mayelana na xitori.
- Ku va ni xiave loko ku endlwa mikanelo, ku nyikana nkarhi wo vulavula.
- Ku dirowa na ku encenyeta xitori.
- Ku tirhisa swifaniso ku vhumba leswi xitori xi vulavulaka hi swona.
- Ku tirhisa ku hlaya swin'we tanihi masungulo ya ku tsala swin'we.

Ku tilulamisela nkarhi wo hlaya swin'we wa Buku Leyikulu

- Tiyisia leswaku vana hinkwavo va kota ku vona buku. Loko tlilasi ya wena yi ri yikulu, swa antswa u tirha na ntlawa lowutsongo.
- U ta kuma leswaku swa ku pfuna ku yimisa buku ku endlela leswaku u nga tikumi u yi khoma loko u ri karhi u hlaya. (Vona swiletelo swo endla xitende xa buku eka khavhara ya le ndzhaku.)
- Tirhisa rhula kumbe xo kombetela ku landzelerisa marito loko u ri karhi u hlaya.
- Loko u lava ku tshirelala marito yo karhi, u nga namarheta swiphephana ematlhelweni ya rito ra kona leswaku ri vonakala swinene kumbe u nga endlwa 'fasitere ra masalamusi'. Tirhisa xiphephana xa rhekthengula (yinhlamune) lexi nga na mbhovo exikarhi kutani u xi veka ehenhla ka xitshuriwa leswaku ku vonakala ntsena rito rin'we.

Nkarhi wo sungula wo hlaya swin'we.

Nkarhi wo sungula wu pakanise eka ku tiphina no 'languta' xitshuriwa ro sungula na vana va ri karhi va nyika mavonelo ya vona mayelana na xitori.

- Phendlaphendla xitori lexi va nga ta xi hlaya. Vulavula hi swifaniso.
- Kombela vadyondzi ku vhumba xitori ku ya hi vito ra xona na swifaniso.
- Hlamusela marito lamantshwa kumbe yo tika vadyondzi va nga si sungula ku hlaya xitori.
- Endla makhadi ya marito ku tivisa ntivomarito lowuntshwa.
- Hlaya xitori, u tirhisa swikoweto no cincacina rito ra wena, rivilo na thoni. Tirhisa ninginiso wa swirho na ngohohe.
- Landzelerisa nkandziyiso loko u ri karhi u hlaya hi ku kombetela eka marito hi nhonga kumbe hi rhula leswaku vana va ta vona leswi u swi hlayaka kutani va yelanisa mpfumawulo na tinhlanga leti nga eka papila rero. Leswi swi ta tlhela swi va pfuna eka endlelo ro hlaya ku sukela eximatsini ku ya exineneni no sukela ehenhla ku ya ehansi.
- Tirhisa nkarhi lowu tanihi nkarhi wo dyondzisa 'ririmi ra buku' tanihi: marito, xivulwa, papila, mutsari vito ra buku, na swin'wana na swin'wana.
- Pfumelela vadyondzi ku va ni xiave exitorini hi ku ku joyina loko ku ri na xiyimo lexi vuyeleriwaka (xik, "tsutsuma, tsutsuma, tsutsuma hi rivilo tanihilaha u nga swi kotaka hakona, u nge ndzi khomi – hi mina wanuna wa xinkwa xa jinja!").
- Xitori xin'we xi fanele ku hlaiwa kambirhi kumbe kanharhu ku endlela ku nyika vadyondzi nkarhi wo vuyeleta swiphemu swa ririm, ku encenyeta mgingiriko kumbe ku tlhela va hlamusela swiphemu swa xitori hi marito ya vona vinyi.

Nkarhi wa vumbirhi wo hlaya swin'we.

- Eka nkarhi wa vumbirhi ku tlhela ku tirhisiwa xitshuriwa lexi a xi hlaiwa kutani ku pakanisiwa eka ku va vana va va ni xiave eka ku hlaya na mudyondzisi hi ku tirhisa mikanelo/mimbhurisano leyi humelelaka leswaku ku ta hluvukisiwa ntwisiso wa ntivomarito, ku hluvukisiwa vutshila byo kuma tinhlamuselo na swivumbeko swa switshuriwa (vuvulavuri, mahikahatelo, na swin'w.).
- Swi le ka wena, tanihi mudyondzisi, ku koka nyngiso wo pakanisa eka ku dyondza loku langutanaka na swin'wana swa leswi landzelaka: minongoti yo kandziyisa marito, swihlawulekisi swa switshuriwa, mpfumawulo, tipatironi ta ririm, maqhinga ya ku boxa marito no twisia eka tilevhele to hambanahambana (swivutiso swo lava tinhlamulo to kongoma, to lulamisa nongoloko lowu hoxekeke, to ehleketelela, to pimanyeta na ta mikhenso).

Nkarhi wa vunharhu wo hlaya swin'we.

- Eka nkarhi wa vunharhu wo hlaya swin'we, vana va fanele ku tihiyela xitshuriwa hi voxne no endlwa mgingiriko ya swanomo, yo endlwa kunene hi mavoko na yo tsala yi karhi yi kongomisiwa eka xitshuriwa.
- Laha swi kotekaka, xitshuriwa xo hlaya swin'we xi fanele ku letela ku Tsala Swin'we laha mudyondzisi a kombetaka matsalelo ya xitshuriwa kutani vana va titoloveta matsalelo ya xitshuriwa hi ku byela mudyondzisi leswi lavekaka. Mudyondzisi u ta va a ri karhi a va letela no tsala leswi va swi vulaka. Maletelalo lama ma maendlelo yo tsala ma pfuna ku lulamisela vana ku titsalela mgingiriko ya vona.

1

I vutomi bya mbyana



Namuntlha Abby na Lebo va khandziyile bazi ra xikolo.

Zubi mbuyangwana, a yi khandziyangi bazi.

"E-e Zubi, a wu nge khandziyi!" ku vula Abby. "Timbyana a ti pfumeleriwangi!"

Namuntlha Abby na Lebo a va yile elayiburari. Zubi mbuyangwana, a yi nga pfumeleriwi ku nghena elayiburari.

"E-e Zubi, a wu nge ngheni!" ku vula Abby. "Timbyana a ti pfumeleriwangi!"





Namuntlha Abby na Lebo a va
yile eribuweni ra lwandle. Zubi
mbuyangwana, a yi nga pfumeleriwi ku
ya eribuweni ra lwandle.


“E-e Zubi, a wu nge fambi na hina!”
ku vula Abby. “Timbyana a ti
pfumeleriwangi!”

Namuntlha Abby na
Lebo a va yile ku ya
tlanga ephakeni.

Zubi mbuyangwana, a
yi nga pfumeleriwi ku
nghena ephakeni.

“E-e Zubi, a wu nge
ngheni!” ku vula Abby.

“Timbyana a ti pfumeleriwangi!”





Zubi mbuyangwana, yi
tshama ehansi ka murhi
egedeni.

"Grr!" ku vula Zubi. Yi yimile
yi tlhela yi yima.

Zubi yi khoma hi vurhongo yi
etlela. Zzzzzz ...

Kutani yi sungurile ku lorha.





Xana Zubi yi lorhile yini?



Zubi yi lorhile yi ri endzeni ka bazi.

"Ndzi ta tshama eka xitulu xa le
mahlweni xa bazi," ku vula Zubi.

Zubi yi languta ehandle hi fasitere ra
bazi.

Zubi yi lorha yi ri endzeni ka tlilasi.

Zubi a yi tshamile emahlweni etlilasini.

"Ndzi yimerile nkarhi wa lanci," ku vula Zubi.

"Ndzi jahele nkarhi wa ku tlanga," ku vula Zubi.



Zubi yi lorha yi ri eribuweni ra lwandle.
Yi lorhile yi ri ku celeni esaveni no famba
hi bodo ehenhla ka magandlati endzeni
ka lwandle.

Zubi a yi ri ku tiphineni.

“Vutomi bya tsakisa!” yi huwelela.





Kutani Zubi yi lorha yi ri ephakeni na
timbyana tin'wana to tala.

Timbyana letikulu, swimbyanyana,
timbyana to leha na timbyana to koma.

Zubi yi tlulela eka muchinginyo.

"Chinginya, Chinginya!" yi yimbelela.



Zubi yi rhendzeleka-rhendzeleka eka
xirhendzelekisi.

Yi yile ehenhla na le hansi hi xirhetisi.

Yi yile ehenhla na le hansi hi xidewuso.

Endzhaku ka sweswo Zubi yi cela mugodi
esaveni. Zubi yi tiphinile swinene.

Kutani ...


Lebo na Abby va fikile egedeni.

“Pfuka Zubi! Hi ya ekaya sweswi,”
ku vula Abby.

“Mmm? Pfuka?” ku vula Zubi.

“Mi vula leswaku a ndzi ri eku lorheni?”

“Hawa! I vutomi bya mbyana!” ku
ehleketa Zubi.



Rhandavula ya xikolo ya tshwa



Namuntlha loko hi ri etlilasini hi twile ku nuha musi.

Zubi yi sungurile ku nuhetela.


I risema ra yini?

Hi bohekile ku yima swin'we hi layini
ehansi ka murhi.

Kutani hi vona rhandavula yi ri karhi yi
tshwa.

Hinkwerhu hi chavile swinene.


Mudyondzisi u fonerile 10177.





Vatimelandzilo va tsevu va tile ku ta
tima ndzilo. A va ri na mabantu lamakulu
va tlhela va ambala na timasiki.

Va fikile hi njhini yo timela ndzilo yo tshwuka. Va tirhisile thumbhu lerikulu ku tima ndzilo. Rhandavula ya hina yi va yi ponile.



N'wana lontshwa

Namuntlha manana wa Bobby u n'wi
byerile leswaku u ta kuma n'wana.


"Loko ndzi ri exibedhlele, kokwana u ta
ku hlayisa," a hlamusela.

"Kambe a ndzi lavi n'wana," ku gungula
Bobby.

"Xana ndzi ta tlanga njhani na n'wana?"

"Ndzi lava buti," a hlamusela.





Endzhaku ka masikunyana manana
u yile exibedhlele. Tatana u byerile
Bobby leswaku n'wana u tswariwile. "I
nhwanyana kumbe i mufana?" ku vutisa
Bobby.

"I mufana," ku hlamula tatana.


Ndzhenga wolowo tatana, Bobby na kokwana wa xisati va fambile ku ya vona n'wana.

Exibedhlele a ku ri mphensamphensa.

Bobby u vonile vadokodela na vaongori. U vonile ambulense yi fika na xigulana.

"N'wana u kwihi? ku vutisa Bobby".





Kutani Bobby a ya ewadini ya vana.
U honokerile swivanana.

U langutile xin'wanana lexi a xi ambarile
jesi ra Bafana.

Bobby u swi tivile xikan'we leswaku
n'wana loyi a ri makwavo.

"U sasekile swinene. U fana na mina," ku
vula Bobby.

Bobby u langutile n'wana kutani a vutisa
a ku:

"Xana u na vito?"

"Ina, i Andy."

"Xana u na meno?"

"A ya si va kona."

"Xana a nga swi kota ku
tlanga bolo ya milenge?"





Andy a pfula mahlo ya yena.

A languta Bobby.

Kutani n'wana a tlakusa voko ra yena.

"Vona, u ndzi nyika "high five!" ku vula
Bobby a tsakile swinene.

"U nga vileli butana. Ndzi ku rhandza u ri
leswi u nga xiswona. Hi ta tlanga bolo ya
milenge loko u kurilenyana."

Ha ku amukela eka ntlhandlamano wa Tibuku Letikulu. Buku Leyikulu leyi i xiyege xa ntlhandlamano wa tibuku ta Rainbow, lowu katsaka tibuku to tirhela, nhlengelo wa swihlayahlaya, tibuku to hlaya ku ya hi tigiredi na tiphositara. Hi tshemba leswaku switori swo hambanahambana eka Tibuku Letikulu ta nhungu swi ta ku pfuna eka madyondzisele ya wena na leswaku vadyondzi va ta tiphina hi ku hlaya swin'we ka vona.

Xitatimende xa Pholisi ya Kharikhulamu na Makambelelo (XIPHOKHAMA) eka Xijimo xa Masungulo xi kombisa ku hlaya swin'we tanihu xin'wana xa swiyenge swa nkoka swa maendlelo yo hlaya. Ku hlaya swin'we ko tala ku endliwa exikarhi ka masiku mambirhi ku ya eka masiku ya mune evhikini naswona n'wana un'wana na un'wana u va a ri na xitshuriwa lexi fanaka leswaku a ta hlaya. Tibuku to tirhela na tibuku to hlaya ta tigiredi ti lulamerile xikongomelo lexi.


Hambiswiritano, ku hlaya swin'we hi ku tirhisa Buku Leyikulu leyi nga na maletere lama kurisiweke i ndlela leyi faneleke ya maendlele ya ku hlaya swin'we hikuva vana va kota ku vona marito na swifaniso no tlhela va kota ku landzelela loko u ri karhi u hlaya hi ndlela leyi fanaka na ya mahlayelo ya ntoloveloy a switori swa vandyangu. Swi na nkoka leswaku vana va tshama va rhendzela Buku Leyikulu leswaku va kota ku vona no hlaya xitshuriwa. Maletere lama kurisiweke ya tibuku letikulu ya endla leswaku swi koteke ku hlayela ehenhla u hlayela vana vo tala hi nkarhi wun'we eka mbangu lowu nga rhula.

I ntirho wa wena tanihu mudyondzisi ku endla leswaku switori swi hanya leswaku vana va kota ku tumbuluxa mbangu wo tiphina na ntsako.

Mianakanyo yin'wana ya ku tirhisa Buku Leyikulu

- Tirhisa phepha ra pulasitiki leyi vonikelaka tanihu khavhara ya Buku Leyikulu ya wena. Swi ta pfuna eka vadyondzi na mudyondzisi loko va tsala eka pulasitiki.
- Tsala eka khavhara hi pene leyi sulekaka.
- Tirhisa tlilipi ya bulldog ku nameka khavhara yo vonikela eka Buku Leyikulu.

ISBN 978-1-4315-2999-5



ISBN 978-1-4315-2999-5

THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay



Endla xitende xa wena xa Buku Leyikulu

U ta fanela ku va na:

- Khadibodo ya vuanami lebyi ringanaka na Buku Leyikulu loko yi pfuriwile (594 mm) na vulehi bya kanharhu (1360 mm).
- Thepe yo pfala.
- Titlilipi kumbe tiphekisi timbirhi to endla leswaku khadibodo yi tshama endhawini ya yona.

Tirhisa thepe yo pfala ku hlanganisa swiphemu swa khadibodo.

Petsa khadibodo u endla fureme ya A u tlhela u tlilipa tshaku na le mahlweni swin'we hilaha swi kombisiweke hakona laha hansi.

